

Sempre Mai

Sempre mai

Amb un fais de faulas en boca,
te venon contar la legenda
d'un qu'amassant sempre mai d'aur
non cavaríá mai dins la tèrra.

Amb un fais de faulas en boca,
te venon contar la legenda
d'un autre qu'anariá pertot
sense consumir mai la tèrra.

E gaitas aital los umans
tombar per la sorna garganta
de l'ordre mondial de l'argent,
totalitari e amnesiant.

Amb un fais de faulas en boca,
te venon contar la legenda
d'un que sacariá sempre mai
dèishas sense'n poirir la tèrra.

T'inventarián lo sempre mai
amb sempre mens, de verd pintats,
electrizant sa circulha
al forn de l'infèrn nuclear.

E gaitas aital los umans
tombar per la sorna garganta
de l'ordre mondial de l'argent,
totalitari e amnesiant.

E tu, los veses arribar,
merchants de faulas, de folias,
sementant pertot las messorgas,
los desastres e los contròles.

Ont qu'angas, qué que fagas, digas,
o sabon ja, qu'o mercandejan,
o sarran plan dins de registres,
per, al bon moment, te fa taire.

E gaitas aital los umans
tombar per la sorna garganta
de l'ordre mondial de l'argent,
totalitari e amnesiant.

Totun los veses arribar,
creissensistas a s'i penjar
mai que d'apaurir la ricalha
ectomiliardària de l'Ombra.

Totun lo veses arribar,
l'esclavatge nòu d'aquel ordre
controlant lo mendre respir
que lèu te farà pagar l'aire !

E gaitas aital los umans
tombar per la sorna garganta
de l'ordre mondial de l'argent,
totalitari e amnesiant.

Toujours plus

A la bouche, un paquet de fables :
ils te racontent la légende
de celui qui, amassant l'or,
ne creuserait plus dans la terre.

A la bouche, un paquet de fables :
ils te racontent la légende
de l'autre qui courrait partout
sans rien consumer de la terre.

Et tu regardes les humains
tomber dans le gouffre sordide
de l'ordre mondial de l'argent
totalitaire et amnésiant.

A la bouche, un paquet de fables :
ils te racontent la légende
d'un tiers qui, jetant toujours plus
d'ordures, sauverait la terre.

Ils te diraient le toujours plus
avec toujours moins, peint en vert,
électrisant tous leurs moteurs
au four de l'enfer nucléaire.

Et tu regardes les humains
tomber dans le gouffre sordide
de l'ordre mondial de l'argent
totalitaire et amnésiant.

Et toi, tu les vois arriver,
marchands de fables, de folies,
parsemant partout leurs mensonges,
leurs désastres et leurs contrôles.

Où que tu ailles, quoi que tu fasses
ou dises, ils le savent, ils le vendent
ou le rangent dans des registres
qui, juste à temps, te feront taire

Et tu regardes les humains
tomber dans le gouffre sordide
de l'ordre mondial de l'argent
totalitaire et amnésiant.

Pourtant, tu les vois arriver,
croissancistes jusqu'à s'y pendre
plutôt que d'appauvrir des riches
hecto-milliardaires iniques.

Pourtant, tu le vois arriver,
le nouvel ordre esclavagiste,
contrôlant tout, le moindre souffle,
qui bientôt fera payer l'air !

Et tu regardes les humains
tomber dans le gouffre sordide
de l'ordre mondial de l'argent
totalitaire et amnésiant.